

Oqaluuserisassat pillugit nassuiaat.

(Inatsisartut Siulittaasoqarfiat)

Ulloq 9. april ataatsimiinnermi immikkoortut 28, 102 84-ilu angumerinngilagut. Immikkoortut taakku ullumi ataatsimiinnermi immikkoortutut siullertut oqaluuserineqassapput. Immikkoortut 4 aamma 5, aamma angumerinngisavut, ullumi ataatsimiinnermi kingulliullugit oqaluuserissavavut

Naalakkersuisut siulittaasoqarfik qinnuigisisimavaat aningaasanik peqquserluutinik malunnarunnaarsaalluni iluanaarniuteqartarnerit pinerliinianillu aningaasalersuisarnerit pinaveersarniarlugit inatsisissatut siunnersuutit ataatsimoortut, taakkulu saniatigut immikkoortut allat aamma marluk oqaluuserisassanut ilanngunneqarnissaannik qinnuteqaatertik naliliivigeqqullugu.

Siunnersuutit ataatsimoortut ima qulequtaqarput normoqarlutillu ataatsimullu oqaluuserineqartussaallutik:

Imm. 90, Nioqqutissanik eqqussuineq aallarussuinerlu pillugit inatsisartut inatsisaata kingullermik inatsisartut inatsisaatigut 2. november 2006-imi allanngortinneqarsimasup allanngortinnissaa pillugu Inatsisartut inatsisissaatut siunnersuut. (Aningaasat tigoriaannaat pillugit misissuisinnaatitaaneq)

Imm. 93, Taamattaaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput: Aningaasanik nassiussinerni akiliisoq pillugu paasissutissanik nassiussisarnermut inatsit.

Imm. 94, Taamattaaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput: Inuit ilaannut peqatigiillu ilaannut Osama bin Ladenimut attuumassuteqartunut, pinerliinianut Al Qaidamut ilaasortanut kiisalu Talebanimut attuumassuteqartunut killilersuutitut iliuuserisassanik aalajangersimasunik Kalaallit Nunaannut atuutsitsilernissamut aaqqiissut.

Imm. 105, Taamattaaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput: Pinerliiniarnernik akiuiniarluni iliuuserisassat immikkut ittut pillugit Kalaallit Nunaannut aaqqiissut.

Imm. 110, Aningaasat peqquserluutit iluanaarutiginiarnerinut pinerliiniarnernillu aningaasalersuiniarnerit pitsaaliorniarlugit iliuusissat il.il. pillugit inatsisip Kalaallit

Nunaannut atuutilernissaanut Aaqqiissut pillugu Namminersorlutik Oqartussat oqaaseqaatissaannut Inatsisartut aalajangiiffigisassaattut siunnersuut.

Imm. 111, Aningaasanik nuussinerni akiliisoq pillugu paasissutissanik nassiussisarnissaq Inatsisartut inatsisissaattut siunnersuut.

Imm. 112, Taamattaq makku pillugit Namminersorlutik Oqartussat oqaaseqaateqarnissaat Inatsisartunut aalajangiiffigisassatut siunnersuutit sisamat saqqummiunneqarput: Aningaasanik peqquserluutininik malunnarunaarsaalluni iluanaarniuteqartarnerit pinerliinianillu aningaasalersuisarnerit pitsaaliorniarlugit iliuuserisassat pillugit inatsisip Kalaallit Nunaannut atuutilernissaanut aaqqiissut.

Naalakkersuisut kissaatigaattaaq immikkoortut uku oqaluuserisassanut ilanngunneqassasut: Imm. 113, Siunnersuut: Kalaallit Nunaanni suliitilluni ajoqusersinnaanermut isumannaarineq pillugu inatsisissamut siunnersuummut Inatsisartut aalajangiiffigisassaannut Naalakkersuisut oqaaseqaataat.

Imm. 115, Aningaasaliisunut aningaasalersuisunullu qularnaveequsiinermut aningaasaateqarfik pillugu inatsisip allangortinnissaata atuutilernissaanut Aaqqiissut pillugu Namminersorlutik Oqartussat oqaaseqaatissaannut Inatsisartut aalajangiiffigisassaattut siunnersuut.

Naalakkersuisut ilisimatitsissutigaat immikkoortut taaneqartut tamarmik katersuunnermi matumani oqaluuserineqarnissaat pingaaruteqartoq.

Siulittaasoqarfiup Naalakkersuisut piffissat tunniussivissat qaangiutereersut tamatumunngalu pissutaasunik nassuiaatitaqanngitsunik tunniussisarnerat sakkortunerpaamik ajuusaarnartutut isigivaa. Siulittaasoqarfiulli pingaartippaa immikkoortut pineqartut katersuunnermi matumani oqaluuserineqarnissaat, taamaattumillu oqaluuserisassanut ilanngunneqarnissaat inassutigalugu. Siunnersuutip qaqugu oqaluuserineqarnissaat eqqarsaatigalugu Siulittaasoqarfik kingusinnerusukkut siunnersuuteqarumaarpoq.

Inatsisartunut ilaasortat Per Berthelsen, Siumut aammalu Olga P. Berthelsen, Inuit Ataqatigiit ullumikkumit atuukkallartussamik taasisarnermut isumaqatigiissuteqarput.

Inatsisartunut ilaasortat Hans Aronsen, Inuit Ataqatigiit aamma Malik Berthelsen, Siumut tikilluaqquagut.